



SLUŽBENE NOVINE

ZENIČKO - DOBOJSKOG KANTONA

Godina XII - Broj 3

ZENICA, Ponedjeljak, 12.02.2007.

VLADA

24.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06.), a u vezi sa članom 40. stav 2. Zakona o državnoj službi u Federaciji Bosne i Hercegovine («Službene novine Federacije Bosne i Hercegovine», broj: 29/03, 23/04, 39/04, 54/04, 67/05 i 8/06), Vlada Zeničko-dobojskog kantona, na 43. sjednici, održanoj 31.01.2007. godine, d o n o s i

O D L U K U

o utvrđivanju procenta povećanja plaće državnih službenika po osnovu rezultata rada u toku kalendarske 2007. godine

I

Državnim službenicima kantonalnih organa državne službe pripada pravo na mjesečno povećanje plaće u toku kalendarske godine 2007. godine, na osnovu ocjene rada i rezultata njegovog rada u posljednje dvije uzastopne godine, i to:

- državni službenik koji je za 2005. i 2006. godinu ocijenjen najmanje ocjenom «izuzetno uspješan», ima pravo na mjesečno povećanje njegove osnovne plaće u iznosu od 5%,
- državni službenik koji je za 2005. i 2006. godinu ocijenjen najmanje ocjenom «uspješan», ima pravo na mjesečno povećanje njegove osnovne plaće u iznosu od 3%,
- državni službenik koji je za 2005. i 2006. godinu ocijenjen najmanje ocjenom «zadovoljava», ima pravo na mjesečno povećanje njegove osnovne plaće u iznosu od 1%,
- državni službenik koji je za 2005. i 2006. godinu ocijenjen različitim ocijenama ima pravo na mjesečno povećanje njegove osnovne

plaće u procentualnom iznosu koji se dobija na način da se zbir tih ocjena podijeli sa dva, s tim, da takvim povećanjem ne prelazi plaću narednog platnog razreda.

II

Rješenje o utvrđivanju prava na povećanje plaće po osnovu rezultata rada, na način i u procentima utvrđenim u predhodnom članu ove odluke, donijet će rukovoditelj kantonalnog organa državne službe – po konačnosti rješenja o konačnoj ocjeni rada državnih službenika za 2006. godinu.

III

Ova odluka primjenjuje se i na državne službenike koji taj status imaju u organima utvrđenim članom 74. Zakona o državnoj službi u Federaciji Bosne i Hercegovine.

IV

Ova odluka stupa na snagu danom donošenja, a primjenjivaće se 01.01.2007. godine i objavit će se u «Službenim novinama Zeničko-dobojskog kantona».

Broj: 02-34-2698/07

Datum, 31.01.2007. godine
Zenica

PREMIJER
Miralem Galijašević, s.r.

25.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj: 16/00, 7/05 i 4/06), a u vezi sa članom 42. Zakona o namještenicima u organima državne službe u Federaciji Bosne i Hercegovine («Službene novine Federacije Bosne i Hercegovine», broj: 49/05), Vlada Zeničko-dobojskog kantona, na 43 sjednici, održanoj 31.01.2007. godine, d o n o s i

O D L U K U
o utvrđivanju procenta povećanja
plaće namještenika po osnovu
rezultata rada u toku 2007. godine

I

Namještenicima kantonalnih organa državne službe pripada pravo na mjesečno povećanje plaće po osnovu rezultata rada u toku kalendarske 2007. godine, i to:

- namještenik koji je za prethodnu 2006. godinu ocijenjen ocjenom «uspješan» ima pravo na mjesečno povećanje njegove osnovne plaće u iznosu od 2%;
- namještenik koji je za prethodnu 2006. godinu ocijenjen ocjenom «naročito uspješan» ima pravo na mjesečno povećanje njegove osnovne plaće u iznosu od 5%.

II

Rješenje o utvrđivanju prava na povećanje plaće po osnovu rezultata rada, na način i u procentima utvrđenim u prethodnom članu ove odluke, donijet će rukovoditelj kantonalnog organa državne službe – po konačnosti rješenja o konačnoj ocjeni rada namještenika za 2006. godinu.

III

Ova odluka primjenjuje se i na namještenike koji taj status imaju u organima utvrđenim članom 73. Zakona o namještenicima u organima državne službe u Federaciji Bosne i Hercegovine.

IV

Ova odluka stupa na snagu danom donošenja, a primjenjivaće se počev od 01.01.2007. godine i objavit će se u "Službenim novinama Zeničko-dobojskog kantona".

Broj: 02-34-2697/07

Datum, 31.01.2007. godine
 Zenica

PREMIJER

Miralem Galijašević, s.r.

26.

Na osnovu člana 16, stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 16/00, 7/05 i 4/06), a vezano za član 15. Zakona o izvršenju Budžeta Zeničko-

dobojskog kantona za 2006. godinu („Službene novine Zeničko-dobojskog kantona“, broj: 1/06 i 10/06), Vlada Zeničko-dobojskog kantona, na 43. sjednici, održanoj 31.01.2007. godine, d o n o s i

O D L U K U

o preraspodjeli sredstava u Budžetu
Zeničko-dobojskog kantona za 2006.
godinu

Član 1.

Odobrava se preraspodjela sredstava planiranih u Budžetu Zeničko-dobojskog kantona za 2006. godinu („Službene novine Zeničko-dobojskog kantona“, broj: 1/06 i 10/06) između budžetskih korisnika iz nadležnosti Ministarstva za obrazovanje, nauku, kulturu i sport kao i budžetskih korisnika iz nadležnosti Ministarstva za pravosuđe i upravu.

Preraspodjela sredstava u Budžetu Zeničko-dobojskog kantona za 2006. godinu, vrši se na slijedeći način:

- na razdjelu 16, budžetska organizacija 02, potrošačka jedinica 001 – Kantonalni sud u Zenici sredstva na poziciji 611100 – Bruto plaće i naknade umanjuju se za 34.370,00 KM
- na razdjelu 16, budžetska organizacija 09, potrošačka jedinica 001 – Kantonalni zavod za pravnu pomoć sredstva na poziciji 611100 – Bruto plaće i naknade uvećavaju se za 5.000,00 KM
- na razdjelu 16, budžetska organizacija 01, potrošačka jedinica 001 – Ministarstvo za pravosuđe i upravu sredstva na poziciji 611200 – Naknade troškova zaposlenih uvećavaju se za 500,00 KM
- na razdjelu 16, budžetska organizacija 06, potrošačka jedinica 001 – Općinski sud u Zenici sredstva na poziciji 611100 – Bruto plaće i naknade uvećavaju se za 14.100,00 KM
- na razdjelu 16, budžetska organizacija 06, potrošačka jedinica 001 – Općinski sud u Zenici sredstva na poziciji 612100 – Doprinos poslodavcu uvećavaju se za 8.500,00 KM
- na razdjelu 16, budžetska organizacija 06, potrošačka jedinica 005 – Općinski sud u Kaknju sredstva na poziciji 611100 – Bruto plaće i naknade uvećavaju se za 5.600,00 KM
- na razdjelu 16, budžetska organizacija 06, potrošačka jedinica 006 – Općinski sud u Visokom sredstva na poziciji 612100 – Doprinos poslodavcu uvećavaju se za 670,00 KM

- sredstva na poziciji 611100 – Bruto plaće i naknade umanjuju se kako slijedi:

Budžetski korisnik	Naziv budžetskog korisnika	Iznos za umanjnje
22020003	OŠ Safet-beg Bašagić Breza	6.300,00 KM
22020008	OŠ Hamdija Kreševljaković Kakanj	8.500,00 KM
22020009	OŠ Mula Mustafa Bašeskija Kakanj	1.500,00 KM
22020010	OŠ Omer Mušić Kakanj	6.400,00 KM
22020011	OŠ Rešad Kadić Kakanj	5.000,00 KM
22020017	OŠ Hasan Kikić Olovo	5.000,00 KM
22020021	OŠ 9. septembar Tešanj	4.000,00 KM
22020026	OŠ Kulin Ban Tešanj	4.000,00 KM
22020030	OŠ Vareš – Majdan Vareš	4.900,00 KM
22020042	Prva osnovna škola Zavidovići	4.000,00 KM
22010001	Ministarstvo za obrazovanje, nauku, kult. i sport	11.000,00 KM
22020037	OŠ Safet-beg Bašagić Visoko	1.000,00 KM
22020045	Osnovna specijalna škola Zenica	1.000,00 KM
22020049	OŠ Ćamil Sijarić Zenica	800,00 KM
22020050	OŠ Edhem Mulabdić Zenica	1.700,00 KM
22020007	OŠ Ahmed Muradbegović Kakanj	1.800,00 KM
22020067	OŠ Žepče Žepče	1.400,00 KM
22020060	OŠ Musa Ćazim Ćatić Zenica	1.200,00 KM
22020053	OŠ Hasan Kikić Zenica	5.100,00 KM
22020066	OŠ Fra Grga Martić Ozimica	2.500,00 KM
22020038	Druga osnovna škola Zavidovići	3.400,00 KM
22020051	OŠ Enver Čolaković Zenica	1.000,00 KM
22020020	OŠ 1 mart Tešanj	1.000,00 KM
22020001	OŠ Enver Čolaković Breza	1.500,00 KM
22030001	MSŠ Mehmedalija Mak Dizdar Breza	20.000,00 KM
22030004	Srednja stručna škola Kakanj	0.000,00 KM
22030008	Mješovita srednja škola Olovo	22.200,00 KM
22030014	MSŠ „Hazim Šabanović“ Visoko	10.000,00 KM
22030015	Opća gimnazija Zavidovići	10.000,00 KM
22030026	Stručna industrijska škola Zenica	14.000,00 KM
22030012	MSŠ Nordbat 2 Vareš	6.200,00 KM
	Ukupno:	176.400,00 KM

- sredstva na poziciji 611200 – Naknade troškova zaposlenih umanjuju se kako slijedi:

Budžetski korisnik	Naziv budžetskog korisnika	Iznos za umanjnje
22030010	Srednja stručna škola Tešanj	5.450,00 KM
	Ukupno:	5.450,00 KM

- sredstva na poziciji 612100 – Doprinosi poslodavca umanjuju se kako slijedi:

Budžetski korisnik	Naziv budžetskog korisnika	Iznos za umanjenje
22030001	MSŠ Mehmedalija Mak Dizdar Breza	1.000,00 KM
22030002	Opća gimnazija Breza	600,00 KM
22030003	Opća gimnazija Kakanj	620,00 KM
22030004	Srednja stručna škola Kakanj	500,00 KM
22030007	Mješovita srednja škola Maglaj	500,00 KM
22030008	Mješovita srednja škola Olovo	990,00 KM
22030014	MSŠ Hazim Šabanović Visoko	2.000,00 KM
22030015	Opća gimnazija Zavidovići	1.000,00 KM
22030026	Stručna industrijska škola Zenica	1.000,00 KM
	Ukupno:	8.210,00 KM

- sredstva na poziciji 613900 – Ugovorene i druge posebne usluge – Izdaci po osnovu privremenih i povremenih poslova umanjuju se kako slijedi:

Budžetski korisnik	Naziv budžetskog korisnika	Iznos za umanjenje
22030001	MSŠ Mehmedalija Mak Dizdar Breza	22.315,00 KM
	Ukupno:	22.315,00 KM

SVEUKUPNO UMANJENJE:	212.375,00 KM
-----------------------------	----------------------

- sredstva na poziciji 611100 – Bruto plaće i naknade uvećavaju se kako slijedi:

Budžetski korisnik	Naziv budžetskog korisnika	Iznos za uvećanje
22020013	OŠ Novi Šcher Maglaj	1.500,00 KM
22020014	OŠ Maglaj Maglaj	3.000,00 KM
22020015	Prva osnovna škola Maglaj	15.000,00 KM
22020023	OŠ Džemal Bijedić Tešanj	3.300,00 KM
22020028	OŠ Rešad Kadić Tešanj	1.000,00 KM
22020035	OŠ Mula Mustafa Bašeskija Visoko	1.500,00 KM
22020048	OŠ Alija Nametak Zenica	1.000,00 KM
22020062	OŠ Vladimir Nazor Zenica	5.000,00 KM
22020068	OŠ Fra Ivana Franc Jukića Usora	8.500,00 KM
22060001	Đački dom Zenica	2.300,00 KM
22030006	Opća gimnazija Maglaj	6.500,00 KM
22030009	Opća gimnazija Tešanj	3.500,00 KM
22030010	Srednja stručna škola Tešanj	7.000,00 KM
22030017	Srednja tehnička škola Zavidovići	10.500,00 KM
22030018	Ekonomska škola Zenica	9.000,00 KM
22030019	Medicinska škola Zenica	500,00 KM
22030020	Opća gimnazija Zenica	6.800,00 KM

22030021	Pedagoška gimnazija Zenica	4.300,00 KM
22030022	Specijalna srednja škola Zenica	6.800,00 KM
22030023	Srednja muzička škola Zenica	2.800,00 KM
22030025	Mješovito trg-ugos. srednja škola Zenica	14.500,00 KM
22030028	Stručna zanatska škola Zenica	14.000,00 KM
22040002	Metalurški fakultet Zenica	2.600,00 KM
22040008	Zdravstveni fakultet Zenica	6.200,00 KM
	Ukupno :	137.100,00 KM

- sredstva na poziciji 611200 – Naknade troškova zaposlenih uvećavaju se kako slijedi:

Budžetski korisnik	Naziv budžetskog korisnika	Iznos za uvećanje
22020038	Druga osnovna škola Zavidovići	1.700,00 KM
22020046	OŠ Ahmed Muradbegović Zenica	1.200,00 KM
22030003	Opća gimnazija Kakanj	1.700,00 KM
22030016	Srednja stručna škola Zavidovići	2.900,00 KM
22030017	Srednja tehnička škola Zavidovići	850,00 KM
22040001	Mašinski fakultet Zenica	8.000,00 KM
22040008	Zdravstveni fakultet Zenica	1.000,00 KM
	Ukupno:	17.350,00 KM

- sredstva na poziciji 612100 – Doprinosi poslodavca uvećavaju se kako slijedi:

Budžetski korisnik	Naziv budžetskog korisnika	Iznos za uvećanje
22020015	Prva osnovna škola Maglaj	1.200,00 KM
22020028	OŠ Rešad Kadić Tešanj	200,00 KM
22020062	OŠ Vladimir Nazor Zenica	4.000,00 KM
22020068	OŠ Fra Ivana Frane Jukića Usora	1.000,00 KM
22030006	Opća gimnazija Maglaj	550,00 KM
22030009	Opća gimnazija Tešanj	160,00 KM
22030011	Srednja tehnička škola Tešanj	810,00 KM
22030017	Srednja tehnička škola Zavidovići	570,00 KM
22030018	Ekonomska škola Zenica	760,00 KM
22030020	Opća gimnazija Zenica	350,00 KM
22030021	Pedagoška gimnazija Zenica	400,00 KM
22030022	Specijalna srednja škola Zenica	710,00 KM
22030023	Srednja muzička škola Zenica	290,00 KM
22030025	Mješovito trg-ugos. srednja škola Zenica	1.660,00 KM
22030028	Stručna zanatska škola Zenica	1.950,00 KM
	Ukupno:	14.610,00 KM

- sredstva na poziciji 613900 – Ugovorene i druge posebne usluge – Izdaci po osnovu privremenih i povremenih poslova uvećavaju se kako slijedi:

Budžetski korisnik	Naziv budžetskog korisnika	Iznos za uvećanje
22020001	OŠ Enver Čolaković Breza	700,00 KM
22020007	OŠ Ahmed Muradbegović Kakanj	700,00 KM
22020010	OŠ Omer Mušić Kakanj	700,00 KM
22020013	OŠ Novi Šelcer Maglaj	500,00 KM
22020021	OŠ 9 septembar Tešanj	1.300,00 KM
22020023	OŠ Džemal Bijedić Tešanj	2.500,00 KM
22020024	OŠ Gazi Ferhad-beg Tešanj	400,00 KM
22020029	OŠ Vareš Vareš	800,00 KM
22020032	OŠ Alija Nametak Visoko	2.400,00 KM
22020034	OŠ Mahmedalija Mak Dizdar Visoko	2.000,00 KM
22020036	OŠ Musa Čazim Čatić Visoko	300,00 KM
22020043	OŠ Vozuća Zavidovići	100,00 KM
22020045	Osnovna specijalna škola Zenica	1.500,00 KM
22020051	OŠ Enver Čolaković Zenica	400,00 KM
22020053	OŠ Hasan Kikić Zenica	300,00 KM
22020066	OŠ Fra Grga Martić Ozimica	2.700,00 KM
22020067	OŠ Žepče Žepče	3.700,00 KM
22030002	Opća gimnazija Breza	2.900,00 KM
22030006	Opća gimnazija Maglaj	1.900,00 KM
22030011	Srednja tehnička škola Tešanj	2.950,00 KM
22030013	Opća gimnazija Visoko	2.650,00 KM
22030014	MSS Hazim Šabanović Visoko	300,00 KM
22030015	Opća gimnazija Zavidovići	260,00 KM
22030018	Ekonomska škola Zenica	2.000,00 KM
22030020	Opća gimnazija Zenica	515,00 KM
22030022	Specijalna srednja škola Zenica	60,00 KM
22030023	Srednja Muzička škola Zenica	730,00 KM
22030026	Stručna industrijska škola Zenica	6.030,00 KM
22030033	KŠC Don Bosco SMŠ Žepče	1.570,00 KM
22030034	SMŠ Stjepana Radića Usora	450,00 KM
	Ukupno:	43.315,00 KM

SVEUKUPNO UVEĆANJE**212.375,00 KM****Član 2.**

Za realizaciju ove odluke zadužuju se Ministarstvo finansija-Odsjek za planiranje i izvršenje budžeta, Ministarstvo za obrazovanje, nauku, kulturu i sport i Ministarstvo za pravosuđe i upravu, svako u okviru svojih nadležnosti.

Član 3.

Odluka stupa na snagu danom donošenja, primjenjivati će se za 2006. godinu i objavit će se u „Službenim novinama Zeničko-dobojskog kantona“.

Broj: 02-14-2407/07

Datum, 31.01.2007. godine
Zenica

PREMIJER
Miralem Galijašević, s.r.

27.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), a u vezi sa članom 15. Zakona o izvršavanju budžeta Zeničko-dobojskog kantona za 2006. godinu («Službene novine Zeničko-dobojskog kantona», broj 1/06 i 10/06), Vlada Zeničko-dobojskog kantona, na 43. sjednici, održanoj 31.01.2007. godine, d o n o s i

O D L U K U

o preraspodjeli sredstava u Budžetu Zeničko-dobojskog kantona za 2006. godinu

Član 1.

Odobrava se preraspodjela sredstava planiranih u Budžetu Zeničko-dobojskog kantona za 2006. godinu, («Službene novine Zeničko-dobojskog kantona», broj 1/06 i 10/06) između budžetskih korisnika; Ministarstva zdravstva, Kantonalne uprave za inspekcijske poslove i Ministarstva za rad, socijalnu politiku i izbjeglice.

Preraspodjela sredstava u Budžetu Zeničko-dobojskog kantona za 2006. godinu, vrši se na slijedeći način:

- na razdjelu 21, budžetska organizacija 01, potrošačka jedinica 0001 – Ministarstvo zdravstva – sredstva na poziciji 614300 (LAX 001) – Transfer za nabavku vakcina umanjuju se za 30.000,00 KM
- na razdjelu 26, budžetska organizacija 01, potrošačka jedinica 0001 – Kantonalna uprava za inspekcijske poslove - sredstva na poziciji 611100 – Bruto plate i naknade umanjuju se za 40.000,00 KM
- na razdjelu 20, budžetska organizacija 01, potrošačka jedinica 0001 – Ministarstvo za rad, socijalnu politiku i izbjeglice uvećavaju se sredstva, na poziciji 614200 (KAD 203) – Civilne žrtve rata za iznos 70.000,00 KM.

Član 2.

Odobrena sredstva Ministarstvo za rad, socijalnu politiku i izbjeglice će upotrijebiti za isplatu odnosno doznačiti Općinama kantona za isplatu prava civilnih žrtava rata, u dijelu koji se odnosi na pripadajuće obaveze Federacije BiH, za mjesec septembar 2006.

godine.

Član 3.

Za realizaciju ove odluke zadužuju se Ministarstvo zdravstva, Kantonalna uprava za inspekcijske poslove, Ministarstvo za rad, socijalnu politiku i izbjeglice i Ministarstvo finansija, svako u okviru svoje nadležnosti.

Član 4.

Ova odluka stupa na snagu danom donošenja, a objavit će se u «Službenim novinama Zeničko-dobojskog kantona».

Broj: 02-14-2408/07

PREMIJER

Datum, 31.01.2007. godine
Zenica

Miralem Galijašević, s.r.

28

Na osnovu člana 16. stav 3. Zakona o Vladi Zeničko-dobojskog kantona («Službene novine Zeničko-dobojskog kantona», broj: 16/00 , 7/05 i 4/06) i člana 5. stav 2. i 3. Pravilnika o ocjenjivanju rada državnih službenika u organima državne službe u Federaciji Bosne i Hercegovine («Službene novine Federacije Bosne i Hercegovine», broj: 7/05), Vlada Zeničko-dobojskog kantona, na 43. sjednici, održanoj 31.01.2007. godine, d o n o s i

R J E Š E N J E

o imenovanju Komisija za predlaganje ocjene rada rukovodioca samostalnih kantonalnih uprava, rukovodioca samostalnih kantonalnih ustanova i drugih rukovodećih službenika koje postavlja Vlada Kantona

I

Imenuju se komisije za predlaganje ocjene rada rukovodioca samostalnih kantonalnih uprava, rukovodioca samostalnih kantonalnih ustanova i drugih rukovodećih službenika koje postavlja Vlada Kantona u sastavu, kako slijedi:

A. Komisija za predlaganje ocjene rada Direktora

Kantonalne uprave za inspeksijske poslove (Avdagić Ibrahim), u sastavu:

1. Husein Hajdarević, predsjednik,
2. Muhamed Islamović, član,
3. Đemanina Memagić, član.

B. Komisija za predlaganje ocjene rada Direktora Kantonalne uprave civilne zaštite (Hajdarević Husein), u sastavu:

1. Đemanina Memagić, predsjednik,
2. Ibrahim Avdagić, član,
3. Muhamed Islamović, član.

C. Komisija za predlaganje ocjene rada Direktora Kantonalne uprave za robne rezerve (Islamović Muhamed), u sastavu:

1. Ibrahim Avdagić, predsjednik,
2. Husein Hajdarević, član,
3. Đemanina Memagić, član.

D. Komisija za predlaganje ocjene rada Sekretara Vlade Kantona (Kadić Mirsad), u sastavu:

1. Vinko Anić, predsjednik,
2. Emina Sinanović, član,
3. Đemanina Memagić, član.

E. Komisija za predlaganje ocjene rada Sekretara Sekretarijata za zakonodavstvo (Anić Vinko), u sastavu:

1. Ibrahim Avdagić, predsjednik,
2. Đemanina Memagić, član,
3. Emina Sinanović, član.

F. Komisija za predlaganje ocjene rada Sekretara Skupštine Zeničko-dobojskog kantona (Sinanović Emina), u sastavu:

1. Ibrahim Avdagić, predsjednik,
2. Đemanina Memagić, član,
3. Husein Hajdarević, član.

G. Komisija za predlaganje ocjene rada direktora Službe za zajedničke poslove (Babić Fevzija), u sastavu:

1. Džemanina Memagić, predsjednik,
2. Husein Hajdarević, član,
3. Ibrahim Avdagić, član.

H. Komisija za predlaganje ocjene rada v.d. Sekretara Biznis servis centra (Hasanić Rasema), u sastavu:

1. Muhamed Islamović, predsjednik,
2. Ibrahim Avdagić, član,
3. Husein Hajdarević, član.

II

Komisije imenovane u predhodnom članu ovog rješenja dužne su Vladi Kantona predložiti ocjenu rada rukovodećih državnih službenika na osnovu rezultata koje su imenovani postigli u realizaciji poslova predviđenim opisom njihovog radnog mjesta i ciljeva koji su za period 01.01. do 31.12.2006. godine bili utvrđeni Programom rada Vlade, odnosno Skupštine, za organe kojima rukovode.

III

Komisije su dužne Vladi Kantona predložiti ocjenu rada do 15. 02. 2007. godine.

Broj: 02-34-2687/07

Datum, 31.01.2007. godine
Zenica

PREMIJER
Miralem Galijašević, s.r.

29.

Na osnovu člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05. i 4/06.) i članova 1. i 8. Uredbe o vršenju ovlaštenja organa Zeničko-dobojskog kantona u privrednim društvima sa udjelom državnog kapitala ("Službene novine Zeničko-dobojskog kantona", broj 5/06.), Vlada Zeničko-dobojskog kantona, na 41. sjednici, održanoj 27.12.2006. godine, donosi

R J E Š E N J E
o razrješenju člana
Nadzornog odbora J.P. «NOVA
TRGOVINA» d.d. Žepče

I.

Razrješava se dužnosti člana Nadzornog odbora J.P. «NOVA TRGOVINA» d.d. Žepče,

1. Mirela Maličbegović, član.

II.

Ovo rješenje stupa na snagu danom donošenja, a objavit će se u "Službenim novinama Zeničko-dobojskog kantona".

Broj: 02-34-2696/07

Datum, 27.12.2006. godine
Zenica

PREMIJER
Miralem Galijašević, s.r.

30.

Na osnovu člana 16. stav 3. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05. i 4/06.) i članova 1. i 8. Uredbe o vršenju ovlašćenja organa Zeničko-dobojskog kantona u privrednim društvima sa udjelom državnog kapitala ("Službene novine Zeničko-dobojskog kantona", broj 5/06.), a u skladu sa članom 4. stav 2. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije Bosne i Hercegovine», broj 34/03), Vlada Zeničko-dobojskog kantona, na 41. sjednici, održanoj 27.12.2006. godine, donosi

R J E Š E N J E

o privremenom nominiranju za člana Nadzornog odbora dioničkog društva J.P. «NOVA TRGOVINA» d.d. Žepče

I

U Nadzorni odbor dioničkog društva J.P. «NOVA TRGOVINA» d.d. Žepče, a do okončanja postupka izbora, kojim će se utvrditi konačno nominiranje po postupku i uz poštivanje primjene principa propisanih Zakonom o ministarskim, vladinim i drugim imenovanjima Federacije Bosne i Hercegovine, privremeno se nominira:

1. Namik Maličbegović, - član.

II

Rješanje stupa na snagu danom donošenja, a objavit će se u «Službenim novinama Zeničko-dobojskog kantona».

Broj: 02-34-2695/07

Datum, 27.12.2006. godine
Zenica

PREMIJER
Miralem Galijašević, s.r.

**MINISTARSTVO ZA POLJOPRIVREDU,
ŠUMARSTVO I VODOPRIVREDU**

31.

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05) i člana 4. Odluke o korištenju sredstava prikupljenih od naknada za promjenu namjene poljoprivrednog zemljišta ("Službene novine Zeničko-dobojskog kantona", broj: 10/06), Ministar Ministarstva za poljoprivredu, šumarstvo i vodoprivredu Zeničko-dobojskog kantona, d o n o s i

UPUTSTVO

**O KORIŠTENJU SREDSTAVA ZA
UREĐENJE POLJOPRIVREDNOG
ZEMLJIŠTA PRIKUPLJENIH OD
NAKNADA ZA PROMJENU NAMJENE
POLJOPRIVREDNOG ZEMLJIŠTA**

I - OPĆE ODREDBE

Ovim Uputstvom propisuju se uslovi koje moraju ispuniti fizička i pravna lica (u daljem tekstu: Korisnik) za ostvarenje prava korištenja novčanih sredstava prikupljenih od naknada za promjenu namjene poljoprivrednog zemljišta, uređuju postupci, način isplate i obaveze koje korisnik mora ispuniti prije i nakon prijema novčanih sredstava, propisuje potrebna dokumentacija, obrasci, nadzor i kontrola realizacije mjera uređenja poljoprivrednog zemljišta propisanih u članu 2. Odluke o korištenju sredstava prikupljenih od naknada za promjenu namjene poljoprivrednog zemljišta (u daljem tekstu: Odluka).

Novčana sredstva se koriste isključivo za uređenje poljoprivrednog zemljišta namijenjenog primarnoj poljoprivrednoj proizvodnji (u daljem tekstu: sredstva).

Korištenje sredstava po osnovu donesene Odluke ne mogu ostvariti Korisnici za poljoprivredno zemljište koje je prostornim planom općine određeno za gradnju ili zemljište koje se u zemljišnim knjigama vodi kao šumsko zemljište, a u skladu sa članom 1. stav 2. Odluke.

II - NAČIN OSTVARIVANJA NOVČANIH SREDSTAVA

Ministarstvo za poljoprivredu, šumarstvo i vodoprivredu Zeničko-dobojskog kantona (u daljem tekstu: Ministarstvo), će shodno članu 6. Odluke svake godine, a najkasnije do kraja aprila tekuće godine, objaviti javni poziv za uređenje poljoprivrednog zemljišta od sredstava prikupljenih od naknada za promjenu namjene poljoprivrednog zemljišta.

Sredstva planirana za izvršenje uređenja poljoprivrednog zemljišta u toku jedne kalendarske godine utvrđuju se u iznosu od 70% prikupljenih sredstava u prethodnom periodu, a preostalih 30% se ostavlja kao podloga za korištenje u narednom periodu.

U skladu sa članom 5. Odluke, Korisnik može ostvariti sredstva za uređenje poljoprivrednog zemljišta u maksimalnom iznosu od 50% od procijenjene vrijednosti obavljenih poslova za uređenje poljoprivrednog zemljišta.

Sredstva za uređenje poljoprivrednog zemljišta se mogu koristiti na način propisan u članu 2. Odluke sa slijedećim rangom vrijednosti za svaku predviđenu mjeru i to:

- produbljanje oranice 1 bod
- čišćenje poljoprivrednog zemljišta 2 boda
- ravnanje poljoprivrednog zemljišta 3 boda
- tabljanje poljoprivrednog zemljišta 4 boda
- krčenje na poljoprivrednom zemljištu 5 bodova
- meliorativna humifikacija 6 bodova
- meliorativna kalcifikacija 7 bodova
- meliorativna fertilizacija 8 bodova
- rekultivacija poljoprivrednog zemljišta koje nije obuhvaćeno zakonskom obavezom rekultivacije 9 bodova
- detaljna mreža za odvodnjavanje drenažom ili otvorenim kanalima (primarni i sekundarni) 10 bodova

Formiranje rang liste prioriteta za Korisnike će zavisiti od ukupne vrijednosti skupljenih bodova za svaku planiranu mjeru uređenja poljoprivrednog zemljišta.

Korisnici sredstava mogu biti pravna lica koja se bave poljoprivrednom proizvodnjom na zemljištu, fizička lica koja su vlasnici poljoprivrednog zemljišta i drugi korisnici poljoprivrednog zemljišta na području Zeničko-dobojskog kantona.

III - PRAVO NA OSTVARIVANJE NOVČANIH SREDSTAVA

Pravo na ostvarivanje sredstava ima Korisnik koji je na propisanom obrascu (koji je sastavni dio ovog Uputstva), podnio zahtjev Ministarstvu nadležnom za poslove poljoprivrede.

Pravo na ostvarivanje novčanih sredstava stiču Korisnici koji ispune uslove propisane u članu 3. Odluke i to:

- provedu najmanje 5 (pet) mjera uređenja zemljišta navedenih u članu 2. Odluke,
- uređenje zemljišta obave na minimalnoj površini od 0,3 ha,
- podnesu dokaz o izvršenoj pedološkoj analizi poljoprivrednog zemljišta prije i poslije uređenja, urađenoj kod Federalnog zavoda za agropedologiju,
- na uređenoj parceli zasnuju primarnu poljoprivrednu proizvodnju,
- da pravna lica uredno ispunjavaju poreske obaveze (uvjerenje ne starije od 30 dana) i
- imaju riješene vlasničke odnose.

Ministar Ministarstva za poljoprivredu, šumarstvo i vodoprivredu (u daljem tekstu: Ministar) će u skladu sa članom 4. stav 2. Odluke rješenjem imenovati stručnu komisiju za ocjenu dostavljenih projekata, programa i ostalih akata Korisnika (u daljem tekstu: Komisija), koja se sastoji od četiri (4) člana i to dva (2) predstavnika Ministarstva, jedan (1) predstavnik općine na čijem se području vrši uređenje poljoprivrednog zemljišta i jedan (1) predstavnik Federalnog zavoda za agropedologiju.

U skladu sa članom 4. stav 5., Komisija za svoj rad odgovorna je Ministru.

Komisija će razmotriti prispjele zahtjeve i ostalu dokumentaciju, zapisnički konstatovati njihovu opravdanost i prihvatljivost, sačiniti prijedlog liste prioriteta Korisnika i dati ocjenu provedenih mjera uvidom na uređenoj parceli, a u skladu sa članom 4. stav 1. i 4. Odluke.

Ministarstvo je dužno da u roku od 15 dana po zatvaranju javnog poziva Komisiji dostavi prispjele zahtjeve na razmatranje, kako bi Komisija u roku od 90 dana obradila sve zahtjeve i Ministarstvu dostavila prijedlog liste uspješnih i neuspješnih Kandidata kao i prijedlog za odobravanje sredstava za tekuću godinu.

U slučaju da Komisija ocjeni da nisu ispunjeni uslovi iz Odluke i u skladu sa ovim Uputstvom, Ko-

misija predlaže, a Ministar donosi rješenje o odbijanju zahtjeva Korisnika za korištenje sredstava, na koje se može izjaviti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema rješenja, a u skladu sa članom 4. stav 7. i 8. Odluke.

Prijedlog Komisije za odobravanje sredstava obrađuje Ministarstvo i dostavlja Vladi Zeničko-dobojskog kantona radi donošenja zaključka o odobravanju sredstava za uređenje poljoprivrednog zemljišta, shodno listi prioriteta Korisnika koja se obrazuje za svaku godinu, a u skladu sa članom 4. stav 6. Odluke.

Visina naknade za rad Komisije za parcele do 1 ha utvrđena je u iznosu od 1.000,00 KM, dok za parcele preko 1 ha u iznosu od 1.500,00 KM, a troškove rada Komisije, snosi podnositelj zahtjeva u skladu sa članom 7. Odluke, kao i troškove pedološke analize poljoprivrednog zemljišta prije i poslije uređenja kod Federalnog zavoda za agropedologiju.

Komisija će sačiniti prijedlog poslovnika o radu i visini nadoknade za predsjednika i članove Komisije, koji će dostaviti Ministru na osnovu kojeg će isti donijeti rješenje.

IV - POSTUPCI OSTVARIVANJA NOVČANIH SREDSTAVA

USLOVI, DOKUMENTACIJA I OBRASCI

Korisnik koji ispunjava kriterije propisane ovim Uputstvom podnosi zahtjev za ostvarenje novčanih sredstava i potrebnu dokumentaciju Ministarstvu, u roku od 30 dana od dana objavljivanja javnog poziva.

Dokumentacija Korisnika dostavljena Ministarstvu uvodi se u djelovodnik predmeta i akata i momentom upisa postaje službena dokumentacija sa kojom se postupi u skladu sa Uredbom o kancelarijskom poslovanju organa uprave i službi za upravu Federacije Bosne i Hercegovine ("Službene novine Federacije BiH", broj: 20/98) i Uputstvom o načinu vršenja kancelarijskog poslovanja u organima uprave i službama za upravu u Federaciji Bosne i Hercegovine ("Službene novine Federacije BiH", br. 30/98 i 49/98).

Nakon provjere dokumentacije i nadzora od strane Komisije, te obrade od strane Ministarstva, Ministarstvo će u rokovima propisanim ovim Uputstvom i na propisanim obrascima, isplatu novčanih sredstava vršiti prema utvrđenoj rang listi izabranih Korisnika.

Sredstva će se isplatiti nakon što Ministarstvo (inspekcija, komisija) utvrdi da su sve obaveze i radnje po ovom Uputstvu i Programu od strane izabranih

Korisnika u potpunosti ispunjene.

Ministarstvo će u roku od 150 dana od dana prijema zahtjeva, iste obraditi, izvršiti potrebnu kontrolu i nadzor putem kantonalne poljoprivredne inspekcije i naloge za isplatu dostaviti Ministarstvu finansija-Trezoru Zeničko-dobojskog kantona, radi isplate sredstava na žiro-račune Korisnika.

Za ostvarivanje prava korištenja sredstava za uređenje poljoprivrednog zemljišta Korisnici su dužni podnijeti zahtjev Ministarstvu, uz slijedeću dokumentaciju:

- ZK izvadak ili katastarsku evidenciju ili ugovor o zakupu zemljišta;
- kopiju katastarskog plana s označenom parcelom koja će se uređivati, a koja ne može biti manja od 0,3 ha;
- program predloženih mjera uređenja poljoprivrednog zemljišta sa cijenom troškova izvođenja u koju mora biti uračunat PDV, a kojih ne može biti manje od pet (5);
- dokaz o izvršenoj pedološkoj analizi poljoprivrednog zemljišta prije i poslije uređenja od Federalnog zavoda za agropedologiju;
- izvod iz prostornog plana općinskog organa za prostorno uređenje da kandidirano poljoprivredno zemljište nije prostornim planom općine određeno za gradnju;
- uvjerenje o izmirenju poreskih obaveza, ne starije od 30 dana, za pravna lica;

Kantonalno ministarstvo će izvršiti obradu prispjelih zahtjeva, komisijski utvrditi da zahtjevi Korisnika zadovoljavaju uslove iz člana 1. 2. i 3. Odluke, utvrditi obračun visine sredstava po svakom odobrenom zahtjevu, sačiniti listu prioriteta Korisnika u odnosu na raspoloživa sredstva za tekuću godinu, a odobrene zahtjeve koji se ne realizuju u tekućoj godini prenijeti u narednu godinu i prioritarno isplatiti.

V - NADZOR I KONTROLA

Kontrolu dokumentacije Korisnika sredstava u Ministarstvu vrši ovlaštena službenik, po rješenju rukovodioca organa.

Nadzor i kontrolu u fazi realizacije na terenu kao i u toku prikupljanja i obrade dokumentacije vrše kantonalni poljoprivredni inspektori, odnosno službenici Ministarstva koje u slučaju potrebe, rukovodilac organa uprave ovlasti za izvršavanje određenih poslova inspeksijskog nadzora.

VI - ZAVRŠNA ODREDBA

Ovo uputstvo stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 05-24-2886/07

Februar, 2007.godine

MINISTAR
Josip Martić, s.r.

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
Ministarstvo za poljoprivredu šumarstvo i vodoprivredu

3 KM kantonalne takse

broj protokola

ZAH T J E V
za ostvarivanje prava korištenja sredstava od naknada za promjenu namjene
poljoprivrednog zemljišta*

Općina										
Prezime i ime/ naziv pravnog lica (ime odgovornog lica)										
JMBG/IB										
Adresa										
Kontakt telefon										
Uz zahtjev priložen sljedeću dokumentaciju**										
1.	ZK izvadak i posjedovni list (ne stariji od 6 mjeseci) ili ugovor o zakupu zemljišta sa ZK izvatkom od zakupodavca									
2.	Kopija katastarskog plana s označenom parcelom koja će se uređivati, a koja ne može biti manja od 0,3 ha									
3.	Dokaz o izvršenoj pedološkoj analizi poljoprivrednog zemljišta, izdata od Federalnog zavod za agropedologiju, Sarajevo									
4.	Program predloženih mjera uređenja poljoprivrednog zemljišta sa cijenom troškova izvođenja u koju mora biti uračunat PDV									
5.	Izvod iz prostornog plana općinskog organa za prostorno uređenje da kandidirano poljoprivredno zemljište nije prostornim planom općine određeno za gradnju i nije šumsko zemljište									
6.	Uvjerenje o izmirenju poreskih obaveza, ne starije od 30 dana, za pravna lica									
7.	Kopija žiro računa									
Lokacija parcele										
Površina parcele (ha)										
Napomena										

*Zahtjev se taksira sa 3 KM (tri KM) kantonalne takse

**U odgovarajuće polje upisati oznaku X

Nakon izvršenog sravnjavanja teksta Odluke o utvrđivanju platnih razreda i koeficijenata za plaće zaposlenih u kantonalnim organima – koji nisu državni službenici broj: 02-34-18155/06 od 23.08.2006.godine (Službene novine Zeničko -dobojskog kantona broj: 10/06), sa izvornikom teksta Odluke, uočena je pogreška na hrvatskom jeziku, pa se na osnovu člana 58 Poslovnika o radu Vlade Zeničko -dobojskog kantona(Službene novine Zeničko -dobojskog kantona broj : 09/06) daje slijedeća

ISPRAVKA

Odluke o utvrđivanju platnih razreda i koeficijenata za plaće zaposlenih u kantonalnim organima – koji nisu državni službenici

U naslovu Odluke, u članu 2., u članu 3. i članu 5 riječ „namještenika“ zamjenjuje se sa riječi „zaposlenih“ u odgovarajućem padžu.

Broj: 02-1-34-18155-1/06

Datum, 01.02.2007. godine

*Sekretar Vlade
Mirsad Kadić, s.r.*

Sadržaj**VLADA**

24. Odluka o utvrđivanju procenta povećanja plaće državnih službenika po osnovu rezultata rada u toku kalendarske 2007. godine	27
25. Odluka o utvrđivanju procenta povećanja plaće namještenika po osnovu rezultata rada u toku 2007. godine	27
26. Odluka o preraspodjeli sredstava u Budžetu Zeničko-dobojskog kantona za 2006. godinu	28
27. Odluka o preraspodjeli sredstava u Budžetu Zeničko-dobojskog kantona za 2006. godine	33
28. Rješenje o imenovanju Komisije za predlaganje ocjene rada rukovodioca samostalnih kantonalnih uprava, rukovodioca samostalnih kantonalnih ustanova i drugih rukovodećih službenika koje postavlja Vlada kantona	33
29. Rješenje o razrješenju člana Nadzornog odbora J.P. „NOVA TRGOVINA“ d.d. Žepče.....	34
30. Rješenje o privremenom nominiranju za člana Nadzornog odbora dioničkog društva J.P. „NOVA TRGOVINA“ d.d. Žepče.....	35

MINISTARSTVO ZA POLJOPRIVREDU, ŠUMARSTVO I VODOPRIVREDU

31. Uputstvo o korištenju sredstava za uređenje poljoprivrednog zemljišta prikupljenih od naknada za promjenu namjene poljoprivrednog zemljišta sa Zahtjevom za ostvarivanje prava korištenja sredstava od naknada za promjenu namjene poljoprivrednog zemljišta	35
--	----

ISPRAVKA	39
----------------	----

Izdavač: Zeničko-dobojski kanton, ul. Kučukovići br. 2, Zenica
v.d. glavni i odgovorni urednik: Željka Marković - Sekulić, **Telefon:** 032/444-820;
Redakcija i pretplata: 032/407-424; **Štampa:** "Meligraf" Zenica